

Treulio Diwrnod Buddugoliaeth yn Ewrop gartref

07/05/2020



Headstone Manor & Museum. Credit: Harrow Museum Collection Harrow Museum Collection
Mae cynlluniau ar gyfer diwrnod VE 75 y penwythnos yma wedi cael eu heffeithio'n sylweddol gan coronafeirws (COVID-19), ond mae llawer o sefydliadau treftadaeth yn dod o hyd i ffordd o nodi'r achlysur.

O aros yn y cartref a gwersi dawnsio swing ar-lein i ddramâu radio, arddangosfeydd ar-lein a sgysiau, mae prosiectau a gefnogir gan Gronfa Dreftadaeth y Loteri Genedlaethol yn sicrhau nad anghofir 75 mlynedd ers buddugoliaeth yn Ewrop.

Atgofion o Ddyfnaint



Mary Gorill, 20 oed yn 1942 (chwith), ac yn 98 oed yn 2020. Credyd: Bishopsteignton Heritage

Un o'r rhai sy'n cofio diwrnod VE, a oedd yn nodi diwedd yr Ail Ryfel Byd yn Ewrop yn 1945, yw Mary Overill, 98 oed. Bu'n gweithio yn Awyrlu Atodol y Merched yn ystod y rhyfel, gan gynnwys yn y Weinyddiaeth Awyr yn Whitehall. Mae'n cofio gadael ei swyddfa fraich-ym-mraich gyda'i ffrind.

"Doeddwn i ddim yn gallu credu'r peth, roedd pobl ym mhobman, yn bloeddio, gweiddi a dawnsio yn y stryd!"

Mary Overill, 90 oed

Meddai: "Doeddwn i ddim yn gallu credu'r peth, roedd pobl ym mhobman, yn bloeddio, gweiddi a dawnsio yn y stryd! Roeddwn i'n teimlo ychydig yn ofnus o fod mewn tyrfa mor enfawr, ond fe ymunon ni â'r miloedd a gasglodd y tu allan i Balas Buckingham i godi calon y teulu Brenhinol."

Mae ei stori'n cael ei hadrodd fel rhan o gyfnod o 10 diwrnod cyn [Diwrnod VE gan bishopsteignton Heritage yn ne Dyfnaint](#).

Straeon o Harrow

Roedd Mike Pearce, sy'n 82 oed bellach, yn byw yn Harrow, Llundain, yn 1945. Roedd yn saith pan ddaeth y rhyfel i ben. Mae'n cofio: "diwrnod VE wnaeth i ni gyd deimlo'n llawn llawenydd.

"Roedd y partiön stryd, lle buom yn dathlu gyda chymdogion, yn llawer o hwyl gyda baneri a byrddau yn llawn danteithion."

Mike Pearce, 82 oed

"Roedd y wybodaeth fod y rhyfel drosodd ac na fyddai rhagor o fomio na bygythiad o gael eu gorchfygu gan y Natsiaid yn hollbwysig ...

"Roedd y partiön stryd, lle buom yn dathlu gyda chymdogion, yn llawer o hwyl gyda baneri a byrddau yn llawn danteithion gyda phob math o bethau a oedd fel arfer yn cael eu gweini ar ben-blwyddi. Roedd bywyd yn llawn goleuni a hapusrwydd."

Stori tristach yn ystod y rhyfel o Harrow yw un Betty, 90 oed, sy'n cofio'n fyw am y bore syrthiodd bom ar ei th?. Roedd yn ddiwrnod hiraf y flwyddyn, 21 Mehefin 1944.

Wedi dod yn ôl o aros mewn lloches drwy'r nos, roedd Betty, oedd yn 14 oed ar y pryd, yn cuddio tu ôl i ddrws y gegin wrth i'w rhieni a'i chwaer gael eu lladd gan fom.

Oherwydd y profiad trasig yma, mae Betty yn cofio peidio â dathlu mor galed ag y gwnaeth llawer o bobl eraill ar ddiwrnod VE. Ymunodd yn y dathliadau gyda ffrindiau o'r gwaith wrth iddynt ddod i Lundain, ond ar gyfer Betty, roedd yn foment o fyfyrddod – y tro cyntaf ers talwm yr oedd hi'n teimlo fel y gallai ymlacio.

Dod o hyd i fwy o straeon

Bydd straeon Betty a Mike yn cael eu cynnwys mewn arddangosfa yn Headstone Manor & Museum, Harrow. Y bwriad ar hyn o bryd yw agor ddydd Mawrth 21 Gorffennaf.

Yn y cyfamser mae'r Amgueddfa'n cynnig [gweithgareddau diwrnod VE ar eu gwefan](#) yn ogystal â blas o'r arddangosfa ar [Pinterest](#).

Mwy am ddiwrnod VE

- Gellir gweld rownd o ddigwyddiadau allweddol ar [wefan VE Day 75](#).
- Darganfyddwch fwy o syniadau ar sut i [gymryd rhan mewn treftadaeth o gartref](#).



rdeb hefyd mewn ...

Sut i fwynhau treftadaeth o'r cartref